

ARCHIVI

de leterature furlane

antighe e moderne

*Biele lenghe furlane fortunade!
cumò sarà di te pûr fate stime
e plui d'ogn'altre tu saràs loldade.*

GASPAR CARABEL (Rumîl
cirche 1630)

Cheste dispense 'e contèn:

IL PÊT A GURIÇE. — Poemût in otavis dal cont
G. de la Puarte (continuaciòn).

SU LA CUVIARTINE:

Lunari par un an qualúnque di 'C. Ciampane.

Il miò ritrât di F. Galiüss. — Recensiòns.

Dôs táulis separadis cun vot ritrâç di scritôrs guriçâns.

Il Gran Lunari Gnûv par un an qualúnque

Con-t-une strofe par setimane, un sonèt ogni mès, un pronostich speciâl,
cun due i marciâç de provincie e dei pais vicins e tantis sagris
di dut il Friâl per une piçule some di centesins.

di 'CIFICH CIAMPANE

Nativ di Rodeán — Mandamènt di San Denêl
un vèr matarán — a'-n' sa di ogni pèl
par ridi dut l'an. — Comprai-lu daûr-mán.

Jé òpare di un sempliç rimatôr populâr che 'l-ha frequentadis nome li scuêlis elementârs del so pais e quindi sençe nissûn studi di gramátiche, ortografie e tant mancûl prosodie dal furlán. Nujemanco nus pâr che come lunari o stroligh al mèriti di sei laudât parcè che al-è fat daûr un plan prestabilit e rasonât. Se i letôrs e' mostrarán di apreçâ chest genar naturâl, spontáneo, primitiv, sincêr e nò studiât, lambicât e artificiôs, publicarín ance lis lunaçions. — 'Cifich Ciampane l'è stât un grum di ains 'te Amèriche in qualitât di muradôr e minatôr e in un volúm manoscrit di rimis 'l-ha contât li strúsciis dai emigrânc e ju avenimènc de uere mondiâl. L'è un document umân, storich, leterari e linguistich che al dovarèss, almanco dal popul che l'ame lis ciossis sèmplicis, sei tignût in consideraciòn.

Dispense imprestade, jé dispense piardude o almanco uastade

Pronostich o Preambul

Ciârs furlâns, vês di scusâ-mi
s'j' nò sai ce-mût plantâ-mi.

J varessis di judâ-mi
ch'j' mi sentirêss a consolâ-mi...

Ma se propri vess di sbagliâ
'us prei tant di perdonâ.

Cussî a fuarçe di pensâ
'o mi met a scomençâ:

Prin di dut 'us doi la man
cu-l-augurâ-'us a duc bon an
dal principi a la fin
tant lontân che vicin.

Mi displâs che nò soi mago
par savê duc i segrêç
e nêncie stroligh come un drago
par studiâ duc i rapêç.

Ben j' sai che ne-l'Unviêr
la plui part al bat il frêt
e ogni naçion 'e ha il so guviêr
e ogni leç 'e ha il so progêt.

J' sai âncie che l'Estât
al ven ciâlt in quantitât
ch'a' si stente a sapuartâ-lu,
se si podêss mai cambiâ-lu:

E cussî al farâ chest an
'us siguri di me man;
e cumò scomencin daur-mân,
cu-l-augurâ-'us bon racôlt
di vuadagnâ-si qualchi sold,
d'ogni samence in generâl
di jemplâ il sach e âncie il grumâl
di gran-turch e sorgh-ròss
di scôi e scartòss,
patatis, luvins e formènt
siale e sarasin ecelènt
vuardi, vene, fasui e carotis
ma une vore e sençe fotis;
cocis d'ogni qualitât
in grande quantitât,
cudumars angúrie e melóns
di cheste robe a milións,
fen e erbe-spagne
une grande cucagne;

vueli, raviçòn e bieî rås
e ogni sorte di golosetâç;
gran ai e civole
di parâ vie la gole,
radrích, indívie, sèdino e salate
che siore Ghésie 'a devente mate;
violes, galicânc¹⁾, basilî e ogni flôr
che dan fûr chêi bieî odôrs.
Di ûe e pomis in gran bondance
che duc fasi vin e ch' 'a jemplin la pançe;
fortune su-n duc i animâi
che jé la risorse dei mortâi:
Di dut-quânt il mençionât
e âncie di ce ch'j' nò soi visât
'us-j-n' brami tante in veritât
di emplâ cantine, solâr e toglât
ch'j' nò podêssis fâ-le stâ
che 'us-j-n' vançâss par regalâ,
magari un pòcie a chel puar ciân
ch'al-è Pacifich di Rodeân
che 'us salude e 'us dá la man.

Zenâr

Ciârs furlâns, 'o savarêss
che Zenâr al-è un bricòn
e da l'an al-è il prin mès,
al-ûl marciâ-le in veladòn.

Se al bastâss il veladòn
che nò-l sevi vècio e rot
si porêss dâ-j âncie dal bon,
ma cun Zenâr al-ûl capòt,
ch'al sei gnûv e imbotit
e di pure lane lavorât,
che al sevi just e ben cusit
e tignî-lu imbotonât.

Ciârs furlâns, vês di capi
di tignî-si conservâç:
nò 'vê misèrie nel visti
ch'j' nò restassis sbeleâç.

Viodit ben che 'us avertîsc
pa-l vuestri ben in generâl
e se 'us ciape il frêd 'ta-i pîs
vait a balâ: l'è Carnevâl.

1) Calicânc.

La campagne jé déserte
pe' criure de stagion;
lassait pûr che stei cuvierte
da la nêv e dâl glaçon.

Jé la nêv une risorse
pe' campagne ben slargiade
a lis suris 'a ciòl la corse
che di lôr ven rovinade.

Zoventût vait a Dignân
a la sagra di San Bastiân;
a' farân un gran bacân
di fâ ridi áncie il plevân.

Ai vinc di Zenâr
al sará chest afâr:
balarán sul breâr:
Sunadôrs dei plui rârs.

Viodit di nò manciâ,
e fâ une gite fin lá
a divertî-si e balâ
a bevi e a mangiâ.

Dúncie ai vinc duc a Dignân
'ta locande di Bastiân.
Zoventût, l'è Carnevâl
balait cumò, nò fasès mâl.

Lis fantatis e' han tante gole
di balâ se áncie 'a è fole,
se áncie a' ciapin une piçade ¹⁾
o-pûr in fal une pes-ciade;
lôr a' molin une ridade
se il balarin 'a le ha bussade.

Viva dúncie la libertât
ch'j 'vin chê sole ereditât:
'us avertisc o fantâçines
ch'j puedis jessi simpri buines;
e tignît cont da libertât
che jé la sole ereditât
che il predi al cîr di puartâ-'us vie
cu-l fâ-'us fiis di Marie,
che a dreture a è une bausie.
Vuelit-it ben a chê in tiere
chê che 'a è la vuestre mari vere;

1) Piçigade, piçigòn.

voleit ben ai genitôrs —
che 'us han rilevât cun tanc sudôrs.
J podês áncie preâ il Signôr
ma nò firmâ-si a chel rigôr
che son novitâç che fasin lôr.

Fevrâr

L'è Fevrâr il mès secònt
simpri stât chel grant ferbènt;
par inglaçâ-nus lui 'l-è pront
e di ciâld nò-l-ûl savê-nt.

Lui 'l-è piçul e par chest
al-ûl mostrâ la so virtût.
A dispensâ lui al fâs prest
del gran frêd e, mai pintût,
al continue il so serviçi
vulintîr e rissolût:
a' le ha ciapade par capriçi
e cambiâ 'l-ha mai volût.

J vin di bon che a lui j plâs
l'alegrie in generâl
e cu-l mont par stâ in pàs
al-ha simpri il Carnevâl.

La zoventût 'a-j uelin ben
par 'ste grande ereditât
si divertiscin duc in plen
balin e gioldin in quantitât.

Cu-la campagne a' nò-l çavârie
za che lui istèss al viv
se áncie a' è vuèite la panârie
'l-è simpri legri e giuliv.
J racomandi po' ai fantâç
che a' balin pûr a lôr plasê
ma di vuardâ-si dai strapâç
za lu savès ben miei di me.

Rabiôs, fait la pàs,
vait a la sagra di San Blâs;
rivait a Masèriis — parait fûr lis tristèriis,
menait áncie i fruç — comprâi'-ur i clapuç
comprait i luvîns — a chêi puars ninîns.

Benedí-ur il cuèl — a' è la sagre par chel.
Beveit un tantín — ciatarès del bon vin,
restarès sodisfàc — ma nò stait a fà i maç.
In domènie a Ciarpât — al-è dut preparât
tant bire che vin — pe' sagre di S. Valentín,
une sagre galánt — des plui importánt
e' vuelin fâ-le balánt — finì-le saltánt.
Une grande ligrie... — rivait fin lá vie
'te grande ostarie — che il vin 'l-è par nie.
'Us hai mo' spiegât — vait duc a Ciarpât,
nò stait a sbagliâ — s'j vuelis balâ.

Març

Il tièrç l'è Març cu-la burás-cie
ch' a' le ha fate in vite so
cu-l saltâ di pâl in frás-cie
e lavoránt simpri al mût so.

In chest mès ven Primevere,
savès che jentre ai vinc-e-ún
ma lui al fâs une brute ciere
e dispièç a'-j fâs un grum.
Se une dí si mostre bièl
'ta-l domán 'l-è dut contrari,
al fâs dut di so cervièl
e nò-l domande mai so pari.
E par chest nò stait fidâ-si
a implantâ dei granc lavòrs
cun di plui po' cu-l sudâ-si
e' ciapais biei rafredòrs.

*
**

I lavòrs che puedis fâ
cun paçiençe e atenziòn :
Vès lis plantis di svangiâ
e lis vís di meti a bon.
Da l'erbe-spagne racuei i class,
disará vès il formènt,
la porcarie meti in fasc
s'j vuelis 'vè il racòlt tremènt.

Di plui 'l-è un mès di penitìnçe
che jé Quarésime clamade
cu-l so dizùn e pócie cuinçe
a' nus ten strenç ché busarone.

Ai dis-e-nûv sin domán
vait a sagre a Flaibán
che han San Bepín,
'te-s ostariis bon vin.
Grant bevi e mangiâ :
a' si ûl trionfâ
e Quarésime stâ in lá,
e forsi balâ.
Di chest iò nò sai
ma cert 'l-è un dai-dai
un gioldi che mai
che áncie iò j proverai.

A' è áncie la sagre di Morúc
prime domènie di Quarésime :
a' mi han visât un doi-tre fruç
che ançi lôr a'-j disin crésime
e tant ben che mi han visât
'o vuei lá áncie iò : nò soî mai stât,
'o cròd che sevi manco-mâl
jessind vicine di Carnevâl,
par uari-si di chel mâl,
che ancimò al sa di sâl.
Vait, da brâs, a 'ste sagre :
nò steit crodí che sei magre,
j nò ciapais sigûr pelagre.
Se áncie il timp 'l-è di dizùn
si ha di gioldi un bièl grun,
mangiâ e bevi di bon
tant gialine che ciapòn
e nissún larâ in presòn.
Po' si pete quatri salç
in mazurche o áncie in valç.
S'j vuelis gioldi un pochetín
a Morúc vait subitín
ma cun bèç 'ta-l sachetín.

Avrîl

'O 'vin par quárt il mès d'Avrîl
dut lusint e plen di flòrs ;
la Nature sot il cil
in chest mès dá fûr i amòrs.

*
**

Grant lavôr pa-l contadín



28. — Lambichin il cervièl per l'intercurând che dug restin contentâç, (rèss e, co-l plui strolegâ áncie j rièsc che ben i concorènc e' sein logâç. Si ciate di mangiâ di grass, di pesc e insieme i golosèç plui ricerçiâç. E se Luculo ¹⁾ al foss áncie prisint rafinâ nò-l porèss di plui pe-l dint.

29. — Oh! ce platóns di craut e di (persút, ce masèriis di strudel ²⁾, di coglúf ³⁾! *sunchenflechel* ⁴⁾, rost-bif si viôt per-dút ciapóns farsic, bignèss, pastic cu-l-ûf, salvadi grand distínt, e áncie minút. Bandide la polente insieme al zúf claman-si plaç di rústiche brigade per festegiâ la clássiche zornade.

30. — Un singolâr dug vevin apetit come aministratòrs cu-i ding di fiâr che a spalís de vedue e del tradit ⁵⁾ çupin il sangh, i uèss, mangin la ciâr. Al dí di ué protèt al-è il delít ⁶⁾ si tráliche la leç sot il tabâr ⁷⁾ e sot il sacro manto de justíçie si trate l'infelíc cu-la nequíçie.

31. — Si mángie alegrementi e (barzeletis vegnin fûr d'ogni ciâf plui di un miliòn: Inamorât 'l-ha chel doi mil polzetis; gran zujadôr chest altri di balòn; cui 'l-ha tajât tre rezimènc in fetis, quând 'l-ere militâr, cu-l so spadòn,

1) Lúcio Licínio Luculo generâl román, vincitôr di Mitridate, famôs anfitriòn e paciocòn o golosât.

2) Dolç di orígene todes-ce fat di pomis cuetis invuluçadis in paste sfueade disponude in forme di spire. Máncie in Pirone.

3) O cùgluf, vòs manciánt in Pirone.

4) Tocúç di lenghe dal todesch *Zunge* lenghe e *Fleischen* tocúç.

5) Test precedént: del pupil del puar falit.

6) " " Trionfe ai nestri dís l'infâm delít.

7) " " Si sclipigne la leç di as-sinç amâr.

cui vante tirâ class cun gran prodeçe al par di un birichín ne la destreçe.

32. — Secónd che Baco al fâs sintí (l'efièt 'a-n' ven fûr di plui gruëssis e tarondís; cui rute stant sintât sençe rispièt, cui conte ciossis lèpidis, giocondis. Come da un çondar mandin fûr dal pet sentençis di Solón ¹⁾ un mont profundis; cui dís, citánd Catón ²⁾: la pançe plene simpri ha judât a tigní sú la schene.

33. — La piël de pançe a mode di (tambûr ha qualchi-d-ún che quasi si sbridine e a-ciò i bragóns e' nò si slambrin fûr mole planch i botóns o la uaine ³⁾. Sta sú il bragón sençe botóns sigûr che, slargiade la pançe, il mûd combine. Un altri l-è tant ross che al pâr un giâl e per jessi passût al si sint mâl.

34. — Artefici d'ogni classe e d'ogni contin lavòrs d'une fature rare, (art dispute ognún a dret e a stuárt e molto pôch dai lôr discòrs si impare. Si interompin fra lôr, favelin fuárt áncie sbrissánt qualchi l'insolence amare; nò si pò condanâ-ju in tâl momént al-è il bricón di Baco impertinént.

35. — Diviárs qualchi campión ne-la e' si ciatin di avè per acidént: (sachete Si presente un braghîr di man perfete che mostre l'inventôr mostro talént; Tire fûr un sartôr une barete che intôr riflèt de l'iride il portènt. Fâs pompe un altri, plen di ambiçiòn, di un classich lavatîv di so invençiòn.

36. — Mochetis, temperíns e mil strièç per furní une buteghe di chincaglie,

1) Un dai sièt ságios de Grèce. Famôs legíslatôr di Atene 639-559 prime di Crist.

2) Pluitòst che Marco Pòrcio il censòr, Dionísio che si cròd autôr di un libri di provèrbios (*Disticha Catonis*) un-mònt in voghe 'ta-l mèdio-év.

3) La lenghete de tirele dai bragóns.

rasadôrs soprafîns e tant perfêç
che ogni fábriche inglese a plen eguáglie;
un poete, áncie lui cui bragóns streç,
un piêç al declamá di some váglie,
che pe-l solit peçént, sençe quatrîns
e' pajarín a scroch i doi vicîns.

37. — Per qualchi de la chimiche
si vantin privilègios concedûç; (secrèt
áncie un laip di purcít al ciate il dret
di uní al brevèt elògios otignûç
parcè che il so lavôr l-è tant perfèt
che di compágn 'a nò si-nd-há viodûç;
fin di lustrâ i stivai gnove invençion
puarte un floch a colôrs di distinçion.

38. — D'aur e d'arînt lavôrs a filgrane
ju oresins mostrin di lôr mans fature,
si viodin sciai di vîvs colôr di lane,
fuarfis di tempre adamantine dure:
cuselârs ¹⁾ rococò di forme strane
e sú il diaul incidût che fâs paure...
che se dut iò contáss da cime a fond
ce-fâ 'o varèss in-fín che al dure il mond.

39. — L'ore divente di-zâ tarde assai
e al pense ognún di abandonâ il tratôr.
J reste a qualchidún piçul retai
su-la note des spesis che j ocôr:
Diviârs han di comprâ scevole e ai
o di cioli la robe dal tentôr.
Svelt tant che un zupèt il camarîr
al tire i bêç fasînt a-tôr il zîr.

40. — La Muse mê si viòd molto in-
per fâ tornâ dute la int in pîs (trigade
essînd su-la ciadree quasi leade,
e avînd il cûl za fate la radris.
J darai miei che 'o puèsc une puntade
come sostente Atlante ²⁾ il paradís,
e tociánt novamentri il miò liròn
bevarai per fâ fuarçe cu-l sifòn.

1) Guselârs, máncie in Pirone cheste piçule
variánt che sarèss lògiche parcè si acorde cu-l
verbo cusî.

2) Un dai Titâns de mitologie greche, con-
danât da Giove a sustigni su-lis spalís la cape
dal cil.

41. — Cumò l-è il bièl, Paróns, sarèss
(peciât
di piardi un quadri classich e giocònd;
simpri al centro ha tindût la gravità
fin dal momént che fo creât il mond;
la pançe grave e il cûl centro sintât,
centro, centròn magnifich e rotònd
non permèt a chei siôrs imbredeaç
di jevâ sú di lí, ma stâ inclaudaç.

42. — Si scodolin, sgomein ¹⁾, batin i
provin, riprovin, sudin di fature, (pîs
si alçin doi dêç, ma il cûl che al-há
j-u fâs tornâ ne' prime positure. (radris
Siôr Tite jude Zuán che al-è da-cîs,
ma nò zove né fuarçe né bravure,
e la sorte crudèl del ben avere
j fâs provâ, pur-tròp, leçion amare.

43. — Si frontin su-la táule cu-lis mans
alçin il cuârp, su-i braç ben sustignût,
si oponin a l'intènt destíns tiráns;
fadie butade al vint e timp piardût:
Crustin i ding, e' muardin i gabáns,
ma simpri tornin jú sençe costrút.
Tire, pare, mescede sençe un dret
come Promèteo ²⁾ inciadenaç al cret.

44. — Ridin i camarîrs a plene gole
viodínd la comitive imbarçade;
ma stracâç áncie lôr del tire-mole
'oressin la facende distrigade.
Progetin di ciariâ-j-u in-té cariole
ma cognoscin la ciosse mal plantade
parcè che j orèss gran timp e comedóns
dovínd doprà par lôr áncie i s-cialóns.

45. — Za il ripiego inzeznôs in ogni
al ciate di aplanâ qualúnque vie (evènt
áncie pur fòss-je, per studiât portènt,
rindude ðisastrose da une strie;
spalanchin i balcòns in sul momént
onde il gâs dei budíns al s-ciampí vie;

1) Agitâ-si, smalitâ, movi i comedóns.

2) Promèteo al robá a Giove il fuch pa'i
umign e al fo inciadenât a un cret dulá che
un'àquile j slambrave il fiât che al tornave simpri
a crescí. Liberât da Èrcole.

zire l'ajar intôr quasi purgât
tornin in-bote dug a ciapâ flât.

46. — Soscedadis, sospîrs per ogni
si sintin da du'-quáng a mandâ fûr, (bande
quasi ùne pìere di mulín ben grande
j passáss su-la pançe o in mièç dal cûr.
Za plui nessun ne' bétòle o locande
al reste ingrisignît e manco al mûr
parçè che l'ajar fat lizêr intôr
ravive dug come rosade un flôr.

47. — Ridin ¹⁾ alegrementri un'altre
dismintean-si afât del sucedût; (volte
tornade la rasòn dal vin sconvolte ²⁾
da gnûv favele chel che al-ere mut.
In pòs moménç la comitive sciolte
ne-la sachete scuínd pan e persút;
ciòlt il ciapièl, justât dopo il gabán
e' jescin cun bièl garbo daûr-mán.

48. — Si semenin du'-quáng per la citât
per finî lis facendis che restavin,
conténç di 'vê cun apetit gustât;
e dal plasê la pançe si palpavin.
Siôr Toni mâl i conç al 'veve fat,
e lis sachetis sôs scrosegnavin ³⁾
ma generôs a gare i siei amis
j ofrivin a-d-imprèst trente da-dis. ⁴⁾

49. — In tâl rare magnifiche zornade
si judin un cun l'altri per afièt;
al lasce l'usurâr la baronade
si bandisc l'avariçie per progèt;
un pensîr, un sòl cûr ha la brigade
né un sòl peciât veniâl 'e si comèt;
clame fuárt Purginele cu-la pive
che ué l'etât de l'aur 'e si ravive.

50. — Ma il soreli rivât in ocident
da nûi cun vaghe tinte acompagnât
al voli presentânt magich portènt

1) Prime leç.: Tornin.

2) " " e le fumane dal cervièl di-
sgiolte; opûr: e diradade la fumane folte; opûr:
e pure la rasòn, non plui sconvolte; e tornade
in jessi la rasòn sconvolte.

3) In Pirone: scrusignâ, furigâ; opûr sunavin
di vuit.

4) Monede di dis solt.

mostre pompôs quánt vevi operât
del gran Tonánt ¹⁾ la man onipotènt
alore che dal caos 'l-ha il mond giavât.
Lánguid ere il lusôr e za la gnot
strighiave i siei ciavai par tacâ sot.

51. — Non cussí al rid d'Istât nei
(gran bolòrs
un fresch prât verdulín che al sei smaltât
di rosis vario-pintis e di flòrs
se da un nembo pietôs ven ristorât,
come dipínt il cîl a mil colors
ganzánt a flamis d'aur iluminât...
Ateos! scene tâl sòl osservait
e un Ent supremo, se podês, neait!

52. — Cun voli tremolánt e moribònd
Febo ²⁾ a la tiare dât l'ultim salût,
al sparisc improvis e in altri mond
côr a ricevi il matutin tribût;
dut il creât atro squalôr confònd
né plui il neri dal blanch ven cognossût.
Çuitis, catúss, uciei nemís del dí
sòl svolaçin intôr culá e culí.

53. — La ínt lontane si leve inciami-
in grembo ³⁾ per tornâ de lis fameis (nánd
alegrís e conténç per viâç ucánd
dal 'vê viodudis tantis meraveis,
pûr ciârç moménç si levin concentránd
e insieme racoçavin ⁴⁾ lis ideis,
onde a ciase contâ dut fedelmentri
e il nono e i fruç fâ ridi alegrementri.

54. — La puarte de cusine han spalan-
da la presse e de voe dug afanâç (cât
ciulin dal gust i fruç a coro alcât;
gobo, sgarbèl, cui vôi dug scocolâç
ciatin il nono donge il fûch sintât
impaçiènt di sintí lis novitâç
che ziránt il pargòt in simetrie
segnave la cinise in geometrie.

55. — Dopo abraçade dute la famee

1) Atribût di Giove paròn dai folchs.

2) Febo, dio de lûs, val-a-dí il soreli.

3) 'Ta-l grin; talianismo.

4) Meti insieme, riordenâ.

e tènèris bussadis dispensât
domandin premurôs une ciadree
cerciând per un momènt di ciapâ flât.
Cun bòcie aviarte, sençe bati cee
ognûn dei circostânç 'l-è cidinât
avid j bat il cûr stand a spietâ
che l'oracul començi a fevelâ.

56. — Che sgagniscin da ridi a crepe
che si fasin contâ del sucedût (pançe
fin l'ultime minude circostânçe...
lascin-j-u pûr.... Un muss sarèss tignût
grand e gruèss dotorât sençe creange
lassând di viste il citadín piardût;
ma strach essínd mi ocôr di riposâ
tornând plui coragiôs dopo a contâ.

Ciánt second

1. — Di nobil sentiment il citadín
educât, di bièl cûr e di creanche
veve mitût un moderât confín
nel bevi e nel mangiâ cu-la so pançe.
Bandide al veve il so criteri fin,
d'emplâ-si a mûd purcièl la brute usanche,
al si jeve da táule sençe imbroi
lizêr di ment, e sençe tele ai vôi.

2. Ciapât pe' man l'amí da lui invidât
si met a spassizâ per il tinèl,
e ragionând ¹⁾ in plene libertât
si scuacarin i faç di chest, di chel,
po', bevût il caffè cun serietât
al galantòm e' tirin jú la pièl,
ufici riprovât, cialiv negoçi,
ma disin: miei cussi, che restâ in oçi.

3. — Cu-la pipe di schiume o-pûr di
proponin pe' citât di vigni fûr, (zess
e distirâç i braç, cricând i uèss
si metin novamentri nel sussûr.
Cialin dut, sintin dut cun intèress,
e 'a spalis del martûf ridin di cûr;
scontrin la Zesa e Tonça ²⁾ per la strada
e j dan di cûr sonora saludada.

1) Talianismo come tanc altris che nò notarín.

2) Tarésie e Tònie.

4. — Ciatin Franzel e pronç con gran
lu bussin a la mode fiorentine ¹⁾. (afièt
Viodin Tite lontán: cun dut rispièt
j ciaçin scivilade berechine,
mentri la vôs nò ciatarèss il dret
di fâ voltâ la înt la plui vicine,
vôs che piardude ne l'inmèns sussûr
prin di rivâ a l'orele cole e mûr.

5. — Sintude la zornade del Franzèl
si volte Tite e al cuche prest i amís
che premurôs sburtând e chest e chel
in un bati di voli j ven da-cís.
Per gran fineçe a'-n' ciape doi pe-l cuèl:
— Vive i Fragiòss ²⁾, vive la rughe ³⁾! al
fra il saludâ-si e fra ju abraçamènc (dis;
e' passin tre minûç di bieî contènc.

6. — Ves-o viodût un baloncín di nèv
da l'alt d'une montagne distacât
che rondolan'-si simpri aumènt ricèv
e un gran palâç abáss 'l-è diventât?
Il citadín in timp eguâl e brèv
tang amís ciaminând l'ha radunât
che numerose tant in rive al Gange ⁴⁾
mai si viodè macèdone falange.

7. — Ciaminin ingropâç per la citât
quasi formând precipitôs torènt.
Cialin per-dût, scrusignin il merciât
per ciatâ fûr se j ocôr qualchi strumènt.
Nò-l-è plui câs, il timp al-è passât,
si vicine la sere al so momènt;
bisugne cun corágio saludâ-si,
dâ un fuárt sgorlòn di ciâf e abandonâ-si.

8. — E' sin al gran cimènt; eco vi-
il timp per chèi lontáns di fâ fagòt; (gnût
riclamin la memòrie a viodi dut
smaniôs de la parténçe prin di gnot.

1) Strenzínd cu-i doi piç lis ganascis e 'ta-l
stess timp bussánd. Locuçiòn non registrade in
Pirone.

2) Frajóns.

3) Clape, compagnie, cumbrícule.

4) Il major flum da l'Indie, dulâ che 'l-è rivât
cu-lis sôs trupis vitoriosis Alessandro Magno re
de Macedònie (356-323 prime di Crist).

Si palpin 'te sachete il ciòlt persút
ai Re Mágios disínt Pater devòt;
esclame ognún: Se Dio mi lasce san
a rivedê-si, amís, áncie ué un an.

9. — Si fâs un zír a gosc ¹⁾, e l'altri a
come foss une trupe di soldâç, (drete
che al generâl cománd in tute frete
cu-la sémplíce vòs son separâç.
Justan'-si cui il ciapièl, cui la barete
a la bande che j tòcie son voltâç:
Tornin a ciase dug, né planch, né prest
a regolâ lis ciossis lór cun sest.

10. — Fra il tornâ a ciase e i ordins
(de la sere
si maçe un po' di timp, ançi dôs oris,
al met il siôr bragóns, velade nere,
camúfs e mil strièç prontin lis sioris,
si frein la muse a comparí di cere
sein pûr di carnagiòn blancis o moris...
La sere è di teatro e di vegliòn
bisugne fâ di dut par parê bon.

11. — Secònd il stât, secònd la con-
si vistiscin in gale i citadíns: (diçiòn
part di astracân fornîç il veladòn,
part in giachete son di stupulíns.
A la persiane un bièl façoletòn
puarte la dame e inglès mostre i scarpíns;
d'oltremontán lavôr come une stele
si orne di scufe infín la camarele.

12. — Son dutis quantis plenis lis con-
di popul premuròs di ciapâ sît; (tradis
des caroçis tu sin's lis sdrondenadis
e il çavatâ di chêi che van a pît.
Lis andronis a di son luminadis
come dal municipi 'l-è prescît.
Son virtuòs e virtuosis di cartèl ²⁾,
corin dug fretolòs a rompi-cuèl.

13. — Il dispense-viglièç viárç il casòt;
si alçin tresinte mans par vè-lu il prin;
al clame il portinâr par tre, par vot:
— Orchestre, poliçe, livree, violín.

'A-n' passe qualchidún cu-l scapelòt
e par frenâ la înt nò-l-è confín;
e tante va crescínd la confusiòn
che plui di cent brusarin il pajòn.

14. — Atènç cumò a un casèt di vèr
Entre la baronesse che incoladis (lunari:
ha sièt còtulis sòl su-l tafanari,
largo si fâs cu-i braç, cu-lis sburtadis
nò-l-è nissún che l'emergènt ripari,
e lis còtulis sòs restin fruçadis:
Câs venerand! dopo sglonfade a vele
reste la baronesse une sardele.

15. — La calche simpri plui si fâs
za si viòd inondade la platee (majôr;
e se áncie al foss titolât o siôr
nò si ciate plui sît, nò plui ciadree.
Malediscin un numar di culôr
la sorte del ritârd amare e ree;
al ciule il portinâr a chêi di fûr:
— Chel che palch a' nò-l-ha, torni indaûr.

16. — A entrâ in partèr ¹⁾ mi viòd
(molto intrigât
per fâ-'us, di ce che al nasc, la descriçiòn;
ma za il miò inzèn ripiego al-ha ciatât:
Calan'-mi jú pe' cuarde del lampiòn,
e suspendût tignin'-mi a usança giât
'o farai scrupolose osservaçiòn
di dut-quánt ce che al-è ce che al sucêd
e dopo 'us-al dirai o ciâld o frêd.

17. — Êco-mi fra i lusòrs ca vie scuin-
saltând come un simiòt su-i braçalèç (dût
concentrât in me stess e scrufujût
la vite racomandi ai miei sghirèç,
ziri i vòglâç in-tôr per viodi dut
disgredeánd perfin l'ultim petèç;
nissún mi viòd, soi propri fûr dai pis
nissún sa ce che 'o fâs né ce che 'o dís.

18. — Lis fèminis nei palchs e' son a
formánd in-tôr supiarbi furnimènt, (trops
di bielis, di bazotis, di scrosòps
come stelis variánd nel firmamènt.

1) Francesism, a man çanche.

2) Ciantánç rinomâç.

1) Francesismo manciánt in Pirone. Il plan
inclinât fra i palchs e la platee.

Si viodin di brilânç richissins grops
che dan a la beleçe un increment.
D'alis di mòs-cie raris ventulinis
vignudis da la Chine soprafinis.

19. — Saludadis, inchins par ogni
(bande)
si scambin fra i palchèc a meravee,
lengâc di afièt la ventuline mande
la nuvice al nuvîc che al-è in platee.
Ancie a la viele grise venerande
dei tenars sentimènç amôr risvee,
salive glot, si mostre nel lusôr
di inamorâ crodînd un folch di lôr.

20. — *Din* il violîn, *don* il violôn,
fragorose scomençe sinfonie (l'orchestre
che essînd di pesarese ¹⁾) man maestre
la quint-essence apâr de l'armonie.
A sinistre il palmôn, il cûr a giestre
j salte ai spetatôrs da l'alegrîe.
Nò san se son nel mond o in paradîs
in ètasi tant grande e' son rapiç.

21. — Il tremolânt scivil del maran-
al vise che si tire sù il sipari. (gòn ²⁾)
Si prontin i ocialèc cun atencîon
lis personis justan-si il tafanari.
Sui brâvs ciantânç si fâs osservaçion
e d'acordo duc-quáng nò fasin svari ³⁾,
olînd i diletânç, musichs perfèc,
dâ une esate opiniòn su d'ogni pièc.

22. — Pitôr valènt ⁴⁾ e fantasie pre-
al veve lavorât un bièl scenari, (clare
i siei colôrs, la penelade rare
mostravin un inzèn non ordenari:
vilis, çitâc, fontanis d'aghe clare,
montagnis, creç, cavernis da sicari
al-ere dut dipînt al naturâl
che il fint e il vèr a' si cioleve in fal.

23. — Emulând cu-lis notis la sirene ¹⁾
un bièl rondò ²⁾ ciantave la virtuose;
umân pensîr, né mai umane pene
po'rèss la vòs descrivi portentose.
Un bati-mán covave a palme plene
onde fâ pláuso a la ciantánt famose:
Regne intánt un silènçio universâl
come precèd la calme il temporâl.

24. — Bisugne che al sei vèr chel che
(si dis :
mai si gioldi un plasê sençe un flagèl,
j pareve di jessi in paradîs
a dug i astânç ³⁾) in tant spetacul bièl,
quând che in forme di colp dut improvîs
rovine ogni delîcie un cûl crudèl
un pèt ciaçând eguâl a chel fracâss
che une masèrie fâs sdrumând di class.

25. — Al sussûr la virtuose spaventade
scomençe cu-la vòs a scantinâ,
co-l sussidi de l'art in ciarezade
con dug i sfuârç 'e çercie di tornâ;
ma il gâz trop micidiâl di chê soflade
solfúree, mentri sot il nâs j dá,
j ciòl il flât, j mancin lis peráulis
e stramaçòn 'e cole su-lis táulis.

26. — Ma cròdis-o che il mâl al sei
Astânt nò-l-è che al rumorôs fragôr, (finît?
quasi da la saete al foss colpît,
in un profònd nò-l si piardèss sopôr.
A la fin risveât, istupidît
i vôi sfreolând al si cialave in-tôr,
come al sucèd di Primevere a ognûn
che a stent si dispetole da la siûn.

27. — Tornâc in sè con dute fleme e
la virtuose osservând su-l pavimènt, (pâs
odorosis boçutis sot il nâs
a presenta-j corevin plui di cent;
ma fatalmentri sarèss lade a spass

1) Di Rossini di Pèsaro. (1792 - 1862). La prime
so òpare jere dal timp in cui l'è succedût il fat
che si conte.

2) Machiniste dal teatro. Significât manciânt
in Pírone.

3) In Pírone: svário.

4) Prime leçion: di grido.

1) Zovinis che, secónd la mitologie greche,
atiravin i navigânç cu-l lôr ciânt e dopo j-u
copavin.

2) Vòs manciânt in Pírone: árie il cui teme
principâl si ripèt plui voltis.

3) Prime leçion: al spetatôr.

âncie l'art di Galeno ¹⁾ in tâl momènt
des fèminis essínd che a gran fadie
si rimèdie pe' lôr strambe fantasie.

28. — Di cere essínd la paste com-
(ponude)
devente in lôr plui fuarte l'impressiòn;
il semplich sôl pinsir d'une ciadude
tantis voltis i môv la convulsión,
e cui miei vôi plui d'une 'o-nd-hai viodude
a colâ in svenimènt per compassiòn.
Si rissòlv dúncie di calâ il sipari,
il miedi nò zovând né la comari.

29. — Se pastorút par morbinèc tiçie
in-té tiare un giespâr cun qualchi len,
se bogn sghirèc nò-l-hâ di cori vie
sul fat des gispis assalit al ven,
e, spacând il ciapièl a gran fadie
si salve dai foròps del lôr velèn;
tal prepare a l'infelìc Marín
chel popul velegnât fatâl destín.

30. — Se quágio-quágio ²⁾ come al fâs
a' no-l foss, del sopôr approfítât (il ciân
e par-ajar viodínd qualchi uragán ³⁾)
a la vendete nò si foss sotrát;
ma ohimè! sperance al vint, èco-lo in man,
in átrio, de la guárdie 'l-è colât,
mentrí al câs, in teatro, d'un sussûr,
reo si supòn il prin che al s-ciampe fûr.

31. — Ma za si sint plui d'une vôs
(sberlâ:
— Marín autôr di tang malâns l-è stât!
Cirin cu-i vôi Marín di ca e di lá,
ma Marín nò-l-è plui che al-è s-ciampât,
e bancis e ciadreis dut savoltá,
per 'vê-lu fûr chel popul velegnât;
e tâl nò jere come in chê ocasiòn
in-té tór di Babèl la confusiòn.

32. — Puartade la notíçie al Pressi-
che su-la puarte 'l-è Marín fermât, (dènt
onde evità il teribil acidènt

di vedê-lu dal popul sgnancassât ¹⁾,
a la fuarçe comande sul momènt
che in presòn provisòrie al sei menât.
Crudèl destín de l'om, òride idee
di jessi condanâc per la coree.

33. — Grate la cope ognún, fruce il
pestând in tiare i pîs incoerît, (ciapièl
pensan-si fatalmentri che l'ucièl
al jere fûr de s-ciáipule fuit;
ma, a la gnove spandude, che in cis-cièl
al-ere za miût pe-l fat delít,
començin dug la front a serenâ
pe' lusinghe di 'vê-si a vendicâ.

34. — Pe-l decoro de Pátrie ognún
a gare di distíngui-si cerciave, (fremènt
za cu-l pinsir su-l misar delinquènt
la rábie e la vendete esercitave,
e come tigre ircane ²⁾ dut furènt
sbridinan-lu lis mans insanganave;
corin dúncie a la puarte in confusiòn
par dâ pronte al progèt esecuciòn.

35. — Difícil la sortide diventade
per la premure, essínd trop afolâc,
sburtin, strìcin, cui slambre la velade
cui piârd la gube e cui si fruce un braç;
ciatan-si un altri oribil macolade
la sorte maledisc e l'imbarâc
tal che l'orôr, la strage e la rovine
sorpasave il passâc de Berezine ³⁾.

36. — A la fin del petèc disgredeâc
corin furiôs in cèrcie del paçiènt,
e in manco che lu dîs son za rivâc
al lûch che l'infelìc al-è retènt ⁴⁾.
Urlin, sbufin, manaçin disperâc.
dut someánd un rovinôs torènt,
consideran-si Carlo in France ⁵⁾ il prin
che al podèss vendicâ-si di Marín.

1) In Pirone: sgnangassâ o sgnanglassâ.

2) Persone crudelissime.

3) Cláudio Galeno (131 - 200) di Pèrgamo,
miedi e scritôr di midisine e di filosufie.

4) Detenût.

5) Prime leçiòn: malân.

3) Flum di Rússie afluent dal Dnieper, al cui
passâc il 26-29 novembar 1812 sucedè la batae
tra russ e francès che si ritirâvin di Mòs-cie.

4) Detenût.

5) Frase manciánt in Pir. che ûl dî: parón
espotich, onipotènt, che al rièsce 'ta-l'imprese.

37. — Ciatând la puarte dal cis-ciêl
(siarade
la scodolin ¹⁾) sul fat per aterâ-le,
po' rinculând d'acordo une sburtade
j ciaçin da fachîns per spalancâ-le;
ma i ciadenâc tignin-le sigurade
nò zovând il valôr per superâ-le
rinunçin a l'assâlt in chel momènt
né armâc essînd, né in numar suficiènt.

38. — Plens di rábie si vadin se-
(menând
cui di ca, cui di lá per la citât:
— A l'arme! a l'arme! citadîns! — sberlând,
de la Pátrie l'onôr al-ûl salvât.
L'esempli di Enghelberto ²⁾ seguitând
il pinsir si alontani de viltât;
si tenti dut, si lasci áncie la vite
purchè la nestre Pátrie resti in dite.

39. — Fasin cognosi che per nestre
(glòrie
di Mainardo e d'Enrico ³⁾) il sang nus scôr,
clamâc da dug i fis de la vitòrie
per la lôr fuarçe e per il valôr.
Reclamin-si per spieli a la memòrie

1) Significât di scantinâ, scancarâ, plui vast
di chel unich dât dal Pirone.

2) L'an 1200 Enghelberto e Mainardo, conç di
Guriçe, famôs ciapitanis, aleâc dai Trevisâns e'
forin agregâc a la nobiltât di Trevis.

L'an 1207 Enghelberto al fo mandât dal Pa-
triarce Pelegrín di Brêscie, ambasadôr a la cort
de l'Imperatôr di Germânie Oton Quart (1174-
1218).

3) Enrico cont di Guriçe, al fo creât ciapitani
dal Friûl in un congress dei feudataris furlâns
tignût sui præ di Ciamp-fuarmid il 10 di març
dal 1298. Il medem l'ere barbe di Federico re
dai Româns. Enrico l'ere ance viciari imperiâl,
cont di Guriçe e dal Tirôl, avocat de Glésie di
Aquileje, di Trent, di Bressanòn, coetáneo e
aleât di Can de la S-ciale feudatari di Verone.
Plui tard diventât so nemî j ha fat provâ il pro-
pri valôr e par 25 aîns al-è stât famôs in pâs
e invincibil in uere. La so vite nò jé stade che
une sequele di açions famosissimis. L'è muárt in
Germânie dal 1323 di sessante aîns. (Note da l'A.)

del grand Alberto ¹⁾ l'aquistât onôr
cu-l 'vê scombussulade la ciadree
del potènt Patriârcie d'Aquilee. —

40. — Tra ju clamôrs del belicôs invît,
e fra il toco a martiêl de la ciampane
chel si dismôv che al-ere indurmidît;
torne il svistît a meti la gabane,
e chel che al-jere a cene, sberlufît
al lasse al giât il rost e la gubane...
Cui si afaçe a la puarte e cui al balcôn
per cognosci del strepit la resòn.

41. — In pôs momènc e' forin infor-
quâl a la Pátrie sovrastâss malân, (mâc
da marçiâl spirit subit invasâc
piçul e grand e zovin e vedrán
si son in masse per la Pátrie armâc;
fo l'armamènt invêr curiôs e stran
ma il cûr suplisc in uere di naçion
cent bastând per-superâ un milîon.

42. — Il cialiâr si presente cu-l stran-
la spátòle dopere lu speciâr; (çèt
in vore il fari la tanae al met,
il cogo il spêt, il ciât ²⁾ lu vascelâr ³⁾),
rovine e strage lu çiroich promèt
armât d'un ciárt ridicolôs afâr...
in-some ogni abitànt in chê ocasion
in ciâmp compâr secong la so mansiôn.

43. — Per direzi la máchine a puntîn
in su-l-istânt un generâl si cree

1) Ne l'an 1268 Alberto cont di Guriçe al fasè
une maraveose difese dal cis-ciêl cuintri ju armâc
dal Patriarce Grivôr di Monlunge (Montelongo),
1251-1269) nativ de Campânie, oblean-lu a ban-
donâ l'imprese.

Ai 12 di lui de l'an 1267 il cont Alberto al
fasè prisonîr il Patriarce sudèt in ciase di Tinossio
Manzân di Vilegnove dôs miis distânt de Badie
di Rosaçis e lu menâ a Guriçe discólç sore un
ciavalât insieme cun Zuân di Luche so parînt.
(Note da l'A.)

1) 'Te prime leçion Bertoldo, che al sarèss il
patriarce di Aquilee di chest non, muart il 23 di
maj dal 1251.

2) Ciât o çat, imprèst dal botâr, vòs manciânt
in Pirone.

3) Vòs manciânt in Pirone, che ûl di botâr.

po', scielzind i graduâc ciad il destin
su-i talenç i plui brâvs de la contee,
si calcole di Zef e di Martin
per vendicâ il delit de la coree,
si formin plans plui che Alessandro il
(Grand
ruminâss l'Âsie intèrie conquistând.

44. — Lascin che si distirin in batae
manovrand a la vôs del generâl,
che pensin a l'assât de la murae
onde l'imprese nò riesci mâl,
intânt che si mescede la fritae
lascin-ju in un cianton come in vivâl ¹⁾
e anîn, servin'-si di un balon volânt
a visitâ in forteçe il comandânt.

45. — 'L-è simpri stât da che 'l-è mond
(in pîs
sei bicoche o palâc francie è passade
per dut furbe e inzegnose la suris;
e il pulç 'l-ha vût per i scufons l'entrade;
ma viodin che plui scaltre a nestris dis
ciate la spie per traghetâ la strade,
parcè che il ciapitani ere informât
di dut ce che si veve machinât.

46. — Soldât, veterân di èstere naçion
al-ere Orlôf il comandânt clamât,
acèrimo nemî de vil açion
che avind sot il gran Laudon ²⁾ militât
tra fortune e valôr, teribil non
in face dut il mond veve aquistât,
e tang segnos d'onôr sul pet puartave
che un vèr comò fornît al someave.

47. — Sot i siei ordins stevin preparâc
trente di lôr di colossâl figure,
musis bandidis, valorôs soldâc
dug incaliç a la fadie plui dure,
che se âncie da Zerse ³⁾ circondâc
nò varessin di bâti-si paure.

E il sôl vedê-ju cu-i inscevac ¹⁾ mostâchs
donâ fasevin il gambin ²⁾ ai tachs.

48. — Ma d'ogni imprese per sorti
nò baste né la fuarçe né il valôr, (l'intent
per don del cîl al-ûl un ciart talent
di viodi dut, di dut indagatôr,
e in chest Orlôf al-ere un gran portent;
del provèrbio si serv cuintri culôr,
"che bat la lenghe lá che il dint al dûl,"
al pense di difindi-si cu-l cûl.

49. — De la consegne fate di Marin
dovind rispuindi Orlôf al pressidènt,
per condusi la ciosse a felîc fin
stratageme curiôs j nasc in ment,
e rasonând al dis: se un sôl martin
tâl strage ha fat, e tâl sovoltamènt,
ce farâ-e une intere baterie
formade di culâr ³⁾ artiglierie?

50. — Cun tâl mièc la difese avind
per sostignî l'atâch dut si dispôn; (fissât
a viste Jurbân cogo ven clamât
di fasui onde pronti un calderon,
generôs ordenând a ogni soldât
che si dispensi quâdruple raçion
sconfite ciarte promitind i cûi
non di polvar ciariâc, ma di fasûi ⁴⁾).

51. — Sintâc i gnûvs canons su-la
(murae
osservând steve se il nemî avançave,
e animând i soldâc a la batae
la manovre ocorènt j ricuadave,
e pension acordând e la medae
se complete vitòrie al ripuartave,
premurôs anelave il bièl momènt
di fâ cognosci al mond il so talent.

52. — Quâl astro in cîl brile fra nò il
se oltre distint per militâr talent (tò non

1) Prime leçion: un stivâl.

2) Baron G. Ernest Laudon (1717-1790) di Livonie dal 1742 dal servici da l'Àustrie cu-l grâd di feldmarescial, vitoriôs cuintri i turchs.

3) Zerse re de antighe Pèrsie (485-465 prime di Crist) fî e sucessôr di Dârio che l'ha fat guere a la Grécie.

1) Mâncie in Pirone.

2) Frase manciânt in Pirone.

3) Âncie chest agetiv al merte registrât.

4) Si pò clamâ chest generâl o miôr il nestri poete un precursôr da l'impiego dai gâs asfisiâns. L'idee prime jé duncie furlane. I todèschs nò han fat che perfeçionâ-le.

per la to insigne clâssiche invençion
la fîsiche svilupe un gnûv portènt.
Se vante Zambecari ¹⁾ il so balòn
e se Colombo un altri continènt,
tu cèlebre tu sês come inventôr
di fulminânt artiglierie a vapôr.

53. — L'armamènt d'ogni bande pre-
un silènçio sucêd universâl, (parât
ançi plui rigorôs ven comandât
da Struch, de la somosse, generâl
onde il plan de la sorprese destinât
un fin nò-l vess ridicul e fatâl;
ma quágio-quágio Orlòf al-ere in pîs
come sta in uâte il giât de la surîs.

54. — Ere une gnot di chês che a
il cîl invidie, plácide e sêrene, (ciaminâ
e il ventisèl usât a volaçâ
steve incuchît per giòldi la gran scene;
si viodevin lis stelîs cimijâ
e Cîncie ²⁾ essînd sul pont che si dîs plene
plui del solit mostran'-si risplendènt
pareve che sorâss per chel cimènt.

55. — Il cidîn momentâneo di chê gnot
fra i murâç del cis-ciêl di tant in tant
dal soflâ de la çuite al-ere rot;
dai turîons si sentive il flebil ciânt
a rispuindi il catûss cu-l scivilòt,
e l'aghe del mulîn clare spumânt
che su lis muelis strepitose scôr ³⁾
a l'orele puartave un grâtrumôr.

56. — Cu-l ciapièl di palûd e algose
(vieste
al jesc da un gorgh il Flum dut sberluffit,
e confondût dal batibui al reste
essînd dismòt apene indurmidît;
ma come Dio, fo subit manifeste

la curiose rasòn di chel conflît;
si tufe nel profònd cun gran premure
e a lis Ninfis raconte l'aventure.

57. — Il cuful ¹⁾ disgropât e in s-cia-
sintînd la barzelete dal bon vieli (pinelis
corin lis Ninfis su-la rive snelis
abandonând afât il liquid spîeli;
spalancadis da ridi lis mascelis
gioldînd del câs, ingrispin il cerneli;
sorin la scene lèpide, gioconde
e dopo, come i croç saltin ne-l'onde.

58. — De lune al favôr torni nel balòn
assaliènç e assaliç per osservâ;
ma se a câs per fatal combinaçion
il fuch che lu sostèn less a mançiâ,
d'Apolo prei la sante proteçion
precipiçi mortâl per evitâ,
onde tachi al balòn un fuârt rimpîn
per contâ de l'assâlt dute la fin.

59. — Ma viòd di Struch a balenâ la
per assali il cis-ciêl, segno sigûr (spade
che al-òrdine a la trupe la marciade ²⁾.
Alontanând ogni ombre di sussûr
comande in pantomine ³⁾ a la so armade
dut imitând il capo del tambûr
la vôs intere sparagnând e il flât
quând de la zufe il fuch sarâ impiât.

60. — Sençe piardi di timp un sôl
(momènt
avancê l'avanguârdie a chel segnâl ⁴⁾,
il centro daûr le sêguite obediènt;
siarin lis alis in maniere tâl
che puartarèss a Genghis-Kân ⁵⁾ spavènt.
'Vin la riserve trêmole a ciavâl
formade essînd del cuarp intîr dei viei
per dâ fuarçe e vigôr cu-l lôr consei.

1) Cont Checo Zambecari di Bologne (1752 -
1812) il prin a Londre (1783) al molâ un balòn; po'
'l-ha ideât une maniere di dîresi il balòn areosta-
tich. Nel 1803, 1804 e 1812 al fasê a Bologne dra-
mâtichis ascensiòns, 't-e ûltime piardînd la vite.

2) La lune.

3) Leçion precedènt: e il cerúleo torènt che
clar spumant — con grât sussûr jû pe-la roste al
scôr — a l'orele puartând un sord rumôr.

1) Il cocòn dai chiavei.

2) Vòs manciand in Pirone.

3) A segnos, a motos. Vòs manciânt.

4) Prime leçion: l'avanguârdie a chel segnâl
leve avanzând — e lis alis in mûd la van siarând
che arzar farèss a rovinòs torènt. — Ven a planch
la riserve tremolând.

5) Genghis-Kan teribil imperatôr dai Tartars e
gran conquistadôr (1162 - 1227).

61. — Un bièl spectacul ere di nature
il viodi da une calme perfetissime
tant popul come i ris in bolidure;
come nasc in zornade serenissime
a bionde, di formènt, vaste planure
che al sorti di borás-cie furiosissime
dute dal stât tranqûil si va agitând
e a seconde dal vint 'e va ondulând.

62. — Emulând il valôr dei trapassâç
animâç dal corágio di naçion
avidissins di glòrie son rivâç
al campo decisiv de la questìon;
come ráspole ¹⁾ al mûr si son tacâç
fasin'-si al cûl l'un l'altri di puntòn,
nascind istèss fra ju baróns di plaçe
quând che a l'agnèl su-l pâle e' dan la ciaçe.²⁾

63. — Cu-i dèç tociând quasi i merlèç
crodevin espugnade la forteçe, (del mûr
dei nemis — disevin nel lôr cûr —
l'orgòglio domarin e l'altereçe;
impossibil sará che tegnìn dûr
a la viste de fuarçe e de destreçe.
I pòsteros olín che ne-la stòrie
dei nestris dís e' ciatin la memòrie.

64. — Berságlio de fortune condanât
al fale l-om nei siei diséns di spess
quând cu-la nâv in puárt si cròd rivât
un gnûv malân j cápìte a riduèss.
D' Ilio ³⁾ la roche dopo 'vê incendiât
e tang travais sofrît Ulisse ⁴⁾ istèss
di riviodi la Pátrie in brêv sperând
al-há scugnût ving ang lâ remenând.

65. — Tang umin smalitâ per tâl im-
viodínd Orlòf da ridi si maçave (prese
e del cis-cièl per lui la gran difese
un sogèt di comédie diventave.
Bragóns calâç, alçade la ciamese

1) Ráspule o piátule.

2) Corispuínd a la cucagne. A San Vít al
Tajamènt si veve il pâle da-l'òcie.

3) Troe.

4) Eroe valorôs furbo e inzeugnôs a l'assedi di
Troe. La Odissee, poeme di Omero, contèn lis
aventuris dopo la ciadude de citât.

l'ordin del tîr ogni soldât spietave
e za iminènt 'e jere la rovine
de la naçion intere cragnoline.

Ciánt fiârç

1. — Il grand Alcide ¹⁾ dopo 'vê aterât
il re di Libie il smisurât Anteo ²⁾
da tríplici fadie strach e sudât
prede essínd dolcementri di Morfeo ³⁾
come foss une roche fo assaltât
dal trace abitatôr popul pigmeo,
che dismòt e ridínd del progèt bièl
dut del leòn lo voluçâ in-té pièl.

2. — Tâl Orlòf il valorôs campión,
di Struch al si rideve e dei seguâç
e cun voli rivòlt di compassìon
leve cialând chel furmîâr di maç,
fra pôch timp previdínd la distruçion,
ma eco l'ore vignude del burlâç
che portând oridissime tempieste
dulá che va colând flagele e peste.

3. — Cuviate a martelèt ⁴⁾ za la
(murae
di culôr che aferavin la vittòrie,
un scárico a l'ordine di mitrae...
Eco svanide in un momènt la bòrie
di tante imprudentissime marmae
che un lûch distínt oleve ne-la stòrie,
colând come pirúç al semplic sbâr
d'une ventose ⁵⁾ artiglierie culâr.

4. — Come i viárs nel formadi bu-
un su-l-altri ingropâç, acavalâç (ligavin
e mans e pîs e ciáf e dut dopravin
dal trist imbroy per jessi liberâç,
ma plui che fra di lôr si mescedavin
altretánt si ciatavin intrigâç
e cun trémole vòs clamând jutori
un quadri someánd del purgatori.

1) Sorenòn di Èrcole.

2) Gigánt in Libie s-ciafojât da Èrcole.

3) Dio dai siúns.

4) Abondammentri, plene.

5) Prime leçion: curiose opûr novele.

5. — Avínd la coçe Struch a perne la lògiche science rafínade (feçìon pensave astutamentri e cun rasòn che une gran nâv sençe il timòn restade scherno del vint vagând a discreçìon da lis ondis batude e remenade spinte a la fin in fatâl scòglio a urtà, è costrete in fruçòns a naufragâ.

6. — Bárbare al pâr sarèss la situa-d'une armade piardínd il generâl, (çiòn come la nâv in mâr sençe il timòn brute varèss catástrofe fatâl; alore Struch pe-l ben de la naçìon cerciánd di alontanâ disgráçie tâl pensá l'assált di comandâ in distànçe a lui salvánd e al Stât-Majôr la pançe.

7. — Ma a la viste di tâl trágiche sgrizulánd, sberlufít e spaventât (scene il sangh si sint glaçâ in ogni vene; ma dal timp burascòs essínd salvât in pòs momènc al ripiá la lene e la vòs del corágio avínd alçât nessún mièç di risorse al trascurá la so sconfite milíçie onde animâ.

8. — Ere il metâl de vòs in chel mo-eguâl di lionesse al fuárt rugít, (mènt ¹⁾ che sot al cîl de l'Áfriche cocènt da man furtive il part sei stât rapít; se-non-ché invece di puartâ spavènt plombánd al cûr ravive l'avilít come ravive la rosade un flôr che di Sírío ²⁾ pendoli pe'-l brusôr.

9. — Cu-i vôi di fuch tiránç come un (serpínt da' rábie e da' furôr dut avampave e se Achile ³⁾ foss stât cussí ferbínt quánd che Pátroclo ⁴⁾ muárt al vendicave,

e da sèt del so sangh Etor ¹⁾ ardínt sençe timôr de vite lu afrontave, di cimentâ-si nò-l varèss olsât e al pâr di agnelín in façe al lôv tremât.

10. — Titubánt se la vòs fasèss efièt ordene une manovre al Stât-Majôr. Il centro di socori a Zef comèt, l'ale destre a Martín per dà vigôr. Per scuoti la sinistre afide il dret di Valantín al cognossút valôr, cui di ca, cui di lá, dut il restánt semene a l'ocorençe in chel istánt.

11. — A tre campións di vaglie fo l'afâr pur-tròp avilupât in grand (afidât claman-si assai ²⁾ felíc e fortunât di possedi tâl ínt al so comand. E grât a barbe Giove inzenoglât di tant favôr lu leve ringraçiánd mentri i Mários, i Fábios, i Scipións ³⁾ in lôr confrònt figurin da mincións.

12. — A fuarçe di sberlâ, di scodolâ ravivarin la trupe spaventade ma talmentri l'esercit mutilá e l'orôr e il fracáss de tombolade che ognún ⁴⁾ a colp di voli judicá apene la metât si foss salvade; ma tant in numar inci-mò ⁵⁾ bastánt per fâ tremâ qualunque-sei regnánt.

13. — Su la panárie invece del tam-baterin i fornârs la ritirade; (bûr pronte obedínd a chel marçiâl sussûr la manovre eseguí dute l'armade. Alore Struch scussánd un corpo-e-fûr ⁶⁾ zurá per il valôr de la so spade che la vite áncie lui varèss lassade se chê facende in mâl foss terminade.

1) Leçìon precedènt: Ere la vòs di Struch in tâl momènt.

2) La stele plui luminose de costelaçìon dal Cian 'te quâl il soreli al si ciате 'te stagiòn plui cialde da l'an dite apònt canícuie, che une volte 'e jere tra il 23 Lui e il 23 Avòst.

3) Eroe legendari de l'assedio di Troe.

4) L'amí di Achile copât da Ètore

1) Ètore grand eroe troján da legende omè-riche, maçât da Achile.

2) Prime: Struch.

3) famòs ciapitanis románs.

4) Prime: Struch.

5) Variánt manciánt in Pirone.

6) Eufemismo un mont frequènt nò registrât in Pirone.

14. — In manco d'un quârt d'ore
(dug rivarin
in un sît che si clame Campagnuçe ¹⁾)
dulâ che atentamentri esaminarin
quâl foss stade, pur-trop, la vere fruçe;
ma cun sorprese insòlite ciatarin
plui grande del crodût la tortuluçe;
di fâ rostic ²⁾ in-bote si comande
provedînd al rimiedi da ogni bande.

15. — Consei di guere sul momènt si
onde poi cioli a l'emergènt misure. (clame
Ogni graduât di spirt uerîr si inflame
e mil plans e progèç nel ciâv piture.
Spere di fâ-si strade a immense fame
sugerînd del cis-ciêl ogni frissure.
L'orgòglio 'l-ûl domâ, fiacâ la bòrie
d'Orlôf, mandan'-le a frisi in-té frissòrie.

16. — Ere intrigât l'afâr de discussiòn
in une volte olînd dug favelâ:
Si levîn regalând qualchi sburtòn
ognûn per jessi il prin a ciacarâ,
istèss dei passarâç che in un cison
si viodin la morose contrastâ.
E co-l giu-giâu fasînd un tananai
e' nò lascin sintî 'né pòch né assai.

17. — Assieme sberlaçând du-quáng
(in trop
sençe giavâ nepûr un ragn dal mûr
nò si capîsc da lôr né pòch nè trop
altri che un assordânt confûs sussûr.
Struch velegnât cu-l scoreîn dá un sclop
zirând un pèj ben rissolût e dûr;
a tâl segno marçiâl dut si quiete;
metin la pive dug in-té sachete.

18. — Son-in' — al ciule — cheisg ³⁾
(i plans de uere? —
cu-i braç in flanch e muse redrosade.
— Nò viôdis-o, pur-tròp, in quâl maniere
nus ha tradiç la brute tombolade? —
Po' rivòlt a Martín cun bieie ciere:

— Aringhe, j dis, la trupe spaventade! —
E Martín oratôr pront, sul momènt
improvise un discòrs molto eloquènt:

19. — Cu-l-alternâ di timp e di sta-
la semençe del brocul si bastarde, (giòn
e in brut verzòt fasînd trasmigraçion
l'origîne primârie in pòch ricuarde.
Tramude la giorgine condiçion
in úgnule cangiând la so côcarde,
bastarde la semençe dopo un an
de galete vignude da Milán.

20. — Tâl vô-altris nassûç per la vi-
si fais viodê cun bastardât valôr, (tòrie
e che ofuscând dei antenâç la glòrie
timorôs si mostrais sençe vigôr,
che, profanând dei tîmps antichs l'istòrie
l'ombre d'un sòl mussòn ¹⁾ us fâs terôr.
Il uestri sangh is-al camò ²⁾ s-ciavèç
che tant flaps e snervâç vês i sghirèç?

21. — Concentrái-si in vo stess per ca-
animái-si l'un l'altri cun presteçe (ritât,
e scuotût il letargo de viltât
assaliit cun corâgio la forteçe.
Ogni ostacul alore superât
da la 'uestre potènt intrepideçe
i bardos ³⁾ ciantarân la 'uestre glòrie
mandan-le aî tarç nevôç ne-la memòrie.

22. — Imitait la violençe di un vulcân
che nel so nasci adasi-adasi al jesc,
po' aumentând in svilúp di man in man,
sclopând vigorôs, tremènd al cresc,
e, fat zigânt, dilate il so forân
quasi Giove sfidând nel cîl istèss,
vòmite fuch, cinise, lave e class
mandânt il vicinât dut in fracâss.

23. — E vô-altris stupidâç fais al con-
ciaminând come il giambar par daûr, (trari
che, a la viste d'un sempliç tafanari,
'us treme da vigliâchs fiât e cûr...
Nò is al un fat di meti su-l lunari

1) Jé a sud de staçion de linie di Udin dulâ
che si ha vude plui tard la place d'armis.

2) Máucie in Pîr. Forsit un derivât di *roste*.

3) Forme nò registrade.

1) Mos-cin, mussât: nò registrât in Pirone.

2) Cussi si lei, corispuînd a cumò.

3) Poetis ciantôrs dai Celtos.

il ridicul assált di un pass di mûr?
E' lassarès che vadì malamentri
ué la Pátrie in fruçóns s-ciampánd vil-
(mentri? —

24. — Al-ere un om, Martín, di chêi
(che pòs
si-n' ciate di tâl ciâf, di tâl nature;
al viòd du'-quánt per dret e per redròs,
brâv di trinçà il ciapòn per commissure
pleánd a so talènt cu-la so vòs
chel popul velegnât cun gran bravure.
Ciòlt l'amôr-proprî per so perno al veve
e cun chest ogni ostacul al vinceve.

25. — Penetrât il discòrs fin a la
(plúcie
— Vive Martín! vive il valôr! — si sberle,
e, benché diventât cu-la vòs grúcie
al-è l'idul di dug, di dug la perle;
al ten sù la carete che si strúcie,
di zucarins la so peráule imperle,
nò víodin altri che Martín e cîl,
batin lis mans plaudínd a mîl a mîl.

26. — Tant ere svilupât novèl ardôr
che parevin sul maî dug soferâç; ¹⁾
apronte l'arme ognûn che al câs ocôr,
e in lînee di batae si son schierâç.
— D'Orlòf farín tremâ il vantât valôr —
lavin disínt — con dug i siei soldâç;
e' 'vin Martín per nestri comandánt
la vitòrie è per nò da chi indenánt. —

27. — Martín beât di 'vè otignût l'in-
al favele: — Alto-lá, cito, fis miei, (tènt
bisugne preparâ-si al gran cimènt
regolánd la manovre per il miei:
Di ripòs 'vès bisugne in chest momènt
e dâ ristoro ai 'uestris strenç budiei;
mangiait, durmiit in buine e sante pàs
che spiçarín domán matine il nâs. —

28. — Si impiarin i fûchs par dut il
(ciâmp
a l'ordin preparánd sis mîl marmitis,

i vivandîrs ziravin come il lamp
lis vivandis furnínd che son prescritis:
patatis cuetis del budín nel stamp
di lessis, di farçidis e di fritis,
carotis, vin, ciarnám in abondance
per sufragâ ¹⁾ la çonderade ²⁾ pançe.

29. — Ferme restá la sole sentinele;
a coronis a grops i altris mitûç
butin sul pan sguaçèt di coradele,
glotin la ciâr e trente mîl pagnúç.
Bevin in volte ³⁾ il vin ne-la scudiele,
al vançe companadi áncie pe-i fruç;
si pognín jù per-tiare onde durmi
ma l-è un siún interòt fra il nò e il sí.

30. — Parcè del pêt fo tante l'impres-
che del siún j robâ fin la quiete, (siòn
comparínd cumò in forme di dragòn,
di larve, d'uragán o di saete,
che dismòç pe-l spavènt con un sgorlòn ⁴⁾
ciaçave in cuârp tâl fufe maladete,
che 'o scomèt tante nò varèss infuse
la viste de la gòrgone Meduse ⁵⁾.

31. — I grang difièç per some di-
(stinçion
ai brâvs umin il cîl simpri permèt.
Mortâl Achile al-ere nel talòn,
a jessi vint nel ciâf ere sogèt
il tant treménd ai Filisteos Sansòn ⁶⁾;
glòrie dúncie par lór 'l-è 'vè il difièt
che il fragôr d'une misere coree
j-u fâs tremâ come del pòl la fuee.

32. — Fin che mangiâ e durmî dute
(chè ínt
ogni ciâf ere un plan nel Stât-Majôr;
un pièç si contrastá sul câs presínt
fevelánd cuintri e pro cun dut calôr.

1) Judâ, zovâ, favori.

2) In Pirone: si ha la forme çondarâ.

3) Un dopo l'altri. Mûd di di non registrât.

4) Registrât il verbo sgorlâ, ma nò il non.

5) Meduse une des tre sùrs Gòrgonis, figuris
spaventosis che vevin sul ciâf madrâchs par
ciavei.

6) Al-è l'Ercole dai ebreos che cun-t-une grâ-
mule di muss al copá mîl Filisteos. Al varèss
esistît cirche 1200 aîns prime di Crist.

1) S-cialdâ; vòs non registrade in Pirone,
corispondènt al francès *échauffer*.

Fo scièlt un plan al-fin, né vèr né fint
che in cheste circostanze in pont ocôr;
di-lu nò puèsc parcè la sicureçe
sta del sòl generâl ne' segreteçe.

33. — Inalçe il ciâf dal taciturno avèl
astro d'Urbìn e da l'Itàlie onôr,
o insigne inimitabil Rafaèl ¹⁾
e il voli sonolènt zirând in-tôr,
mire quâl mièç il to divìn penèl
cumò varèss di portentôs lavôr;
ma la sorte per nò crudèl e avare
ai tims passâc donâ grâcie 'sî rare.

34. — La guere dai Zigânc ²⁾ tant
(spaventose
per cui scuotût l'Olimpo trabalâ;
il gran Tonânt che d'aûr in ploe famose
per la cándide Dánae si mudâ;
il celeste convît che per la spose
di Pèleo semideo si radunâ,
il teribil milûc de dissensiòn
per cui d'Ílio nascè la distruçion;

35. — la stòrie memorabil egiziane,
del re Sesostri ³⁾ ogni sublime imprese,
i faç de guere greche e de persiane,
di Leòtide la cèlebre difese ⁴⁾
l'inalçamènt de la naçion romane
su-la cinise de cartaginese ⁵⁾

1) Rafaèl Sâncio di Urbìn (1483-1520) il plu
gran pitôr dal rinascimènt classich.

2) I Zigânc de mitologie greche tentarìn di
di montâ su-l'Olimpo dulâ che stavin i giòss
metind il mont Ossa su-l Pèlio. I Zigânc vinçuc
forin precipitâc al'infîâr.

3) Sesostri al'è un non unich sot il quâl i
Grechs cognoscevin doi imperatôrs de 19.me
dinastie da-l'antîch Egît, val-a-di Seto I. e so' fi
Ramsete II. (1328 - 1281 prin di Crist).

4) Dal 488 prin di Crist, re di Sparte che nel
480 con 300 spartâns e 6000 ausiliârs al difindè
il pass des Termòpilis cuintri i persiâns.

5) Cartâgine antighe citât che si ciatave ne-
l'Afriche non lontân da Tunisie e che jere a
capo di un stât eminentementi comerciâl che
l'ocupave dute l'Afriche setentrionâl cun coloniis
in Sicilie, Sardegna, Gâlie e Spagne. I româns
han sostignût cuintri i cartaginès tre ueris clama-
dis pûnichis che scomençadis tal 264 pr. di Crist
finirin 'ta-l 146 cu-la distruçion de citât rivâl.

sarèss materie di meschine idee
in confrònt de la guere de Contee.

36. — Ce bièl quadri sarèss di sen-
il viodi palpitânt e dolorose, (mènt
pâlido, contrafate e macilènt
fricâ l'amânt, la tènere morose,
da l'altre bande misere dolènt
maledî sangloçând novele spose
il tálamo ciatând abandonât,
la guere crudelissime del flât.

37. — Se toco poi da la maestre tinte
il cis-cièl si viodèss precipitânt
la înt dai murs a cavalòns estinte
oh! ce quadri d'orôr e desolânt!
Maraveose pûr viodè dipinte
benèfiche la lune iluminânt
i cûi miracolôs di chèi soldâc
compârî tang canóns inarzentâc!

38. — Se in tele poi di zigrantesche
cun vîvs colôrs al foss rafigurât (mole
un a dispièt de l'altri il cori in fole
a difindi la Pâtrie per un flât,
e Orlòf ridind a plene gole
sfilând ¹⁾ i cûi vigniss rapresentât...
in dut il mond imaginâ-si 'o sfidi
un quadri come chest che al sei di ridi.

39. — Di lagrimânt ce misto e di fu-
di spavènt, di vendete e d'alegrie, (rôr
di corâgio, di ridi e di terôr
di lògiche, morâl, filosofie
in cui spaçiând di cèlebre pitôr
come in vast ocean la fantasie,
pituris formarèss di tal nature
di fâ strasecolâ l'etât future.

40. — Si sint intôr fâ *chichirichi* il
eco il momènt vignût di fâ l'apèl; (giâl:
i siei dismòv in-bote il caporâl
tirând pe-i pîs, pe-l nâs e chest e chel,
mentri bati la diane sarèss mâl
avis a Orlòf del manaçât flagèl;
bisugne usâ l'astúcie e fâ cidins
per secondâ del cil i bieî destins.

1) Passâ in riviste, vòs non registrade.

41. — Sveltóns come zupèç saltin in lis armis regolánd che ognún al veve, (pís e za cu-i dèç tociánd il paradís sòl lúsignis di glòrie ognún viodeve; il corágio çatade ¹⁾ la radris infalibil vitòrie prometeve, nò l'ere plui ce di, nò plui questións l'ere intrigât Orlòf cu-i siei canóns.

42. — Foriere za del dí jeve l'Aurore tornánd a dug i ogèç vite e colôr, bandide la stagiòn 'e veve Flore mostran'-si il frêd in dut il so squalôr. Sòl il cûr dei uerîrs come une bore veve di otante grâç scotánt calôr ²⁾. Ciulavin dug: — Corin du-quáng in masse il nestri braç sbridine dut, fracasse.

43. — Il cîl istèss diè segno di spàneri - neri mostran'-si nuvolât (vènt e il soreli tant bièl e risplendènt di paure jevave mascherât. Soflave il vint, insome ogni elemènt in chê zornade al-jere s-ciadenât, tâl che se l'Antiscrist a' nò-l manciave la vere fin del mond 'e someave.

44. — Per spirit di vendete al diventá tant tumúlt, tant sussûr e tant fracáss che, sençe un minim pont esagerá, a dodis miis al si sintive il ciáss, parind in tal distançe il businâ che ateridis, pur-tròp, fasin lis âs quánd-che al-entre nel boç su-l'ore brune un ingòrd paveát ³⁾ par lôr sfortune.

45. — Zirin pe's filis dug i comandânc ciareçánd cun dolceçe ognún i siei, la spade tirin fûr, metin i guânc dan la peráule d'ordin cun *Ribei*. Someavin il re dei Garamânc

quánd che l'oleve a Enee ¹⁾ giavâ i budiei. Dut ere pront, sòl che impaçiènt l'armade l'ordin di Struch spietave pe' marciade.

46. — Lascin-j-u lí per un momènt e anin per la citât a remenâ-si, (schierâc e visitánd ciasutis e palâç in riviste lis plaçis dopo passi. Dug son spariç e veciòs e fantâç e sòl in qualchi cián ven d'incontrâ-si, la peste pâr che desolá Milán ²⁾ al timp che il braç spagnûl ere sovrán.

47. — Ere restât il semplic magistrât cun qualche conseîr de la Comune che ³⁾ per il ben de Pátrie e de citât si univin per fâ front a la sfortune; ma osservánd il malán trop avançât in ciáf batevin disperâc la lune, previdínd che in chel câs nò-l foss ripâr indossánd la Contee lutuôs tabâr.

48. — Quánd che un om ne' disgrá- (çie nò-l si piárd si mostre favorevul áncie il cîl, cui favele in ton dolç e cui gajárd sugerínd i progèç a mîl a mîl: Il rimiedi che un ciate da chê part júdiche un altri un mál pensât cavil; alfin dei faç a fuarçe di discori un rimiedi si ciate provisori.

49. — Sielzit fûr su-l momènt, dis un tre deputâc ne' triste circostançe (pançòn, che aringánd i soldâc cun espressiòn procurin di placâ la tracotançe,

1) Enee eroe troján che dopo la distrugiòn de so citât al si imbarchie cun altris compâgns par lâ a cirí une seconde pátrie. Infatti al sbarchie dopo un montis di vicendis dulâ che il Tèvar al si bute in mâr e al fondá Albe-Lúngie citât mari di Rome. Duránt la navigaçiòn une tempieste lu ha obleât a fa soste a Cartâgine dulâ che i Garamânc, pòpui de Libie interne, che corispuindeve press-a-pòch al odierno Feçan, 'olevin fâ-j la fuee.

2) La peste dal timp di San Carlo Boromeo, che desolá Milán l'an 1576. La dominaçiòn spagnole ha durât a Milán dal 1556 al 1748.

3) Prime leçiòn: i quai per ben de Pátrie.

1) Imbari, estindi, rinvigori.

2) Alore 'l-ere in uso il termòmetro Reaumûr in cui l'paghe bulínt jere indicade dal grâd 80, invece che cent come nel centígrado.

3) La pavee de muart, che entre 'ta-i boç non costruîç raçionalmentri par distrusi la mîl.

e par duc i lavorènç
tant il grant che il picinín
a' si viodin duc contènç.

La campagne jé ocupade
di ogni bande che si ciale:
fin l'ultim strop ven seminate:
il formènt za grant e bieie siale.

Duc i árbui e' dan fûr
la lôr fuee e tanc il flôr;
duc a' sperin 'ta-l futûr
tant il puar che il siôr
di lavorâ cu-la sperançe
di 'vê bon il risultât
di racuei cun abondançe
par pajâ-si dal tant lavorât.

Se va mâl pa-l contadin
si pò di-lu in generâl,
tant l'artist che l'inquilín
varán misèrie ben - uguâl.

'L-è nome il siôr che nò-l bassile
se la tempieste 'e fâs malán,
lui 'l-è legri e al scivile
e al dîs: — Par me 'o hai vonde pan.

*
**

Domán a San Luch
e' fan sagre, e nissún truch
essíut vicín il cimiteri
ma ben vin e blanch e neri
bune bire ma nò a spine,
ma in botiglie ch' a' è plui fine.

L'ostarie a' è provisòrie
e si bêv cun tante glòrie:
si pò fâ fridi 'te padiele
del salâm e nò sardele.

Cheste sagre 'e jé tant bieie
parché ven fate in taviele.
Si pò bevi 'te scudiele,
si pò bevi 'ta-l bocâl:
sês sigûrs che nò fâs mâl.

Son ustîrs di Sandenêl
e' han dute robe di prin pèl.
Dopo stâc e ch'j vês provât
vedarês ch'j' 'us hai dit la veretât.

1) Glésie dóngie cimiteri di Sandenêl.

Mai

'O 'vin Mai che al fâs il quint
plen di flôrs ben plui d'Avril:
Dute nature si ressint
e si alçe viârs il cîl.

Fin áncie il soreli
al scomençe a fâ calôr
e áncie il muss si viôt 'ta-l spieli
e si met a fâ l'amôr.

Dut il mont a' si risvee
in chest mês cussí famôs:
Nò mi dói di maravee
se áncie il muss al-è golôs.

*
**

Contadins, a' mi displâs
che in chest mês vês tan' ce-fâ,
nâncie in ciase nò vês pàs
j vês i cavalîrs di regolâ.

Cun di plui vês il pleván
che 'us clame in devoçión
ma lui nò-l pense a dâ une man,
al fâs la vite dal poltròn.

Cussí voaltris dopo strachs
fait di cene daûr-mán,
riposái-si sui stramâç
nò stait 've pôre dal pleván.

Par osservâ la religiòn
nò ocôr tant bassilâ;
une píçule oraçión
ognún bessòl la savará.

*
**

E' sarán sagris áncie in Mai
ma i païs iò nò j-u sai
e par chest nò sai ce fâ-j;
ma j puedis ridi tant che mai;
'ste novitât 'us contarai:
che un muss mi ha confidât,
che chest mês si è maridât.
Grant amí de societât
une compagne a' si è ciatât
'e mi spiegave a piardi-flât

(continue)

Il miò ritrát

Bièl ma... di piçul. Di stature bass.
Vòi granc e neris. Neris i ciavei
(chèi che nò son za gris...) e tanc e bieì.
Alt il cerneli, curt e svelti il pass.

Canipe, nò-l-è... mâl e lis patelis
di... muss. Sorde un'orele ma, in compéns,
simpri al'erte chë altre. Bon il sens
de viste e di bon nâs. Squásite bielìs
e nervosis lis mans. Lunch 'ta-l mangiâ.
Se la taçe jé buine simpri pront
a fâ-j onôr, ma mai, a ogni bon cont,
esagerât. Nò usi né fumâ

e nance tabacâ. Viçis nò-nd-hai.
S' 'o fâs une partide di tresiet
la fâs par passâ un'ore. 'O voi 'ta-l jèt
prest, e lá 'o lei e 'o scrif e... din-gi un tail

FÁBIO GALIÚSS, POETE

n. a Udin il 10 di Maj 1879. Al vîv a Gurice.

Recensións

RUGGERO ZOTTI - San Vito nella storia del Friuli

Portogruaro, 1929

Jé un'òpare di lusso di 210 páginis
in quárt cun ilustracións, in forme tipo-
gráfiche veramentri distinte, che fâs onôr
al bon gust artistich ben cognossût de
l'autôr e a la tipografie.

Il puèst nò nus permèt di intratigni-
si, come che al mertarèss, su-l libri
veramentri notevul. Il bièl volúm nus
sugeríss chestis consideracións:

1. — Che chesie òpare e altris di
análoghe importanze che han viodût la
lûs o che la viodarán, nò dovàressin
manciâ in nissune biblioteche dal Friûl e
noaltris sustignin che ogni Común —
specialmentri cumò che son stâc ingrandic
— al dovarèss 'vê la so brave biblioteche
públiche, zachè nò si pò ameti che dute
la culture de classe mèdie e superiôr de
societât 'e derivi nome da la leture dal

Gazetín, e di giornai consímii, che, se
áncie e' contegnin boins artícuì, sicome
nò vegnin conservâc, nò puedin furnì al
momènt dal bisúgn i datos precis indi-
spensábii a cui che nò-l-ûl tratâ i argo-
mènc a voli di nâs. Si sberle cuintri l'ur-
banesim. Un dai rimiedis 'l-è chel di fâ
in mûd che áncie 'ta-i Comúns rurai al
sei pussibil, fin a un ciárt pont, ciatâ il
nutrimènt inteletuâl e nò nome la taçe e
lis ciártis di zûgh.

2. — Che libris di chest genar e'
dovaressin sei scriç áncie cu-l'intención
di divertì il letôr e di tigni vîvs l'atención
e l'interessamènt fin a l'últime págine.
Quindi dovàressin sei mitûc in riliev chëi
faç che plui interessin il publich riservând
lis parç manco interessânc fra lis notis in
caratar minût che il letôr superficial, e
non specializât 'te stòrie, al pò benissim
saltâ. Dúncie lassâ di bande dute la part
nojose e pedânt, che nò impuarte a la
majoranze. Cioli ad esempi pe' trataciòn
e pa-l stîl lis vitis di Gulielmòn, Checo
Bepo, Bismark, Lenin, scritis da autòrs
oltremontâns dopo la uere che presentin
l'interèss di vèrs românc di aventuris.
Si sa che cheste nò jé une imprese facil.
Dut'altri. Se par esempi un al si metèss
in ciâf di contâ la vite dal dotôr Pier
Vivián Zechín, miedi, leterât e scritôr,
di S. Vît (muárt dopo il 1880) che 'l-ha
passât forsi un decénio de so zoventût
in Grécie al timp dal risorgimènt di chë
naciòn e che 'l-ha vût vite aventurese
e relaciòn cu-i personágios plui in viste di
chë vere epopee, al scrivàress un libri in-
teressantissim in cui si podàressin esponi
duc i avenimènc dal risorgimènt de Grécie
e d'Italie dal 1821 al 1870. Ma se áncie
un libri magistrâl dal genar al foss scrit
— magari land in Grécie a pes-ciâ fûr
documènc originâi che nò devin manciâ
— il publich sarèss-jal seneôs di lêi ches-c
avenimènc eroichs aromai lontâns e mitûc

ta-l'ombre da episòdios plui recènc? Nò cròd....

3. — Finalmentri consideránd che lis personis che come il Zotti (che fra il 1901 e ué 'l-ha detât 19 memòriis di art e di stòrie furlane e al continue simpri a lavorâ) fra di nô, ladîns, si contin su-i dèc (zaché la majôr part di chêi che pur e' son studiâc e che varessin la capacitât e la pussibilitât di fâ 'tal lôr ram studis análogos e puartâ contribûc a la culture de picûle Pâtrie e' preferiscin passâ il timp libar dai dovèss professionai a bati la ciarte, a scolâ litros od a denigrâ il prossim), mi pararèss che chêi pòs che impieghin il lôr timp in mûd manco ignobil e' dovaressin sei tignûc un fregul in consideraçion e incoragiâc 'te lôr cariere sparniçade di spinis... e, vignind al câs speciâl, 'o dirèss che i Comûns, che cercenin San Vît e che costituiscin l'antigh distrèt, dovaressin dâ l'incarich al prelodât studiôs di preparâ un librût scolastich che 'l-illustrâss la contrade dal pont di viste geografich, storich, artistich, agricul - comerciâl e industriâl, librût che al dovarèss sei obligatori in dutis lis scuêlis elementârs dai Comûns consorçiâc a chest nobil scopo di puartâ increment a l'amôr pe' picûle Pâtrie. Ma se âncie chest libri al-esistèss, is-al po' sperabil che cu-i mestris esotichs, che son stâc imponûc, al vedi qualchi pratich risultât?

Nêv e fantasiis, reallât e poesiis di S. A. di V.

Spilimbèrgh 1929 - Presl 7 franchs

Cun chest librût, che al trate da l'Inviâr, Setímio Agreste di Vile-buine al finjsc la sèrie des quatri stagions che son: *Primevere, Rosis di pradarie* (istât) e *Lis fueis a' colin* (Autûn). 'Te prime part di chest libri (*Nêv e fantasiis*) al descriv cun veretât il paesâgio furlân 'te

stagion invernâl. 'Te seconde part (*Reallât e poesiis*) al trate questioniis morâls di vite furlane fasind risaltâ i contrâs-c sociai e psicologichs e, cun quadrûc rigiavâc dal vèr, al invide a meditâ su-i problèms spirituai. La tiarçe part 'e consist in notis spiegativis pur in bon furlân, su-i argomènc tratâc in poesie e precisamentri al çercie di giustificâ lis ideis esponudis analizând un tantin la question sociâl, morâl e religiose, sostignind — 'te seconde note — ché lis riformis e' puedin rezi nome se han une madureçe spirituâl a base di responsabilitât direte e personâl. 'Tes altris al spieghes come la morâl e la religion par sostignî-si, e' scugni basâ-si su-la science sperimentâl che convinci su-l'esistènc dal di-lâ.

L'esposizion in furlân, quantuncie l'argomènt al sevi di dificil trataçion, e' rièsce clare essind dut esponût cun forme sèmplice e popolâr. Il libri, che si lei daûr-mân e vultîr, 'l-è ornât da nûf scenis eseguidis da un pitôr furlân, che 'te copertine, al dá un quadri a colôrs rapresentânt la vite strusciade des *fusâriis* e des *muelâriis* di Claut. Il libri, che si ciate in Udin 'te librerie Carduci, al riescirâ di gradimènt sot diviârs ponç di viste.

G. V. BLANCH - Linguaggio Friulano

S. Daniele, G. Tabacco 1929 - Presl 8 franchs

L'autôr si plate sot un pseudòmino. Chestis vòs che si distachin dal furlân leterari e' dovaressin bastâ (se si vess un atlante linguistich ladîn particularegiât) a determinâ la pátrie o almanco il vernacul in cui l'autôr si esprim :

Lincuîn, inturbulî, robadore, puer-tâd, svignî (lâ in deliquio), *zigantine, tremolose, onoradeçe, sentîd, ofindi,*
(continue)

Ai rivenditôrs da l'Archivi

Nò podînd domandâ une seconde volte cun corispondence particolâr o cun circolâr la restituçion des dispensis non vindudis e il pajamênt di chês esitadis, stampin culî sot il nom e l'impuârt dal debit de's singulis ditis a lis quâls 'l-è stât afidât il periodich. Il nom di cui che al si metarâ in rêgule al vegnarâ scançelât.

Bertiûl, Carnielli Fr. 18 - Buje, Rovere 0.60 - Buri, Ang. Rossi 18 - Ciamplûng, Cumin 18 - Cividât, Bront 25.80, Munero 5, Stringher 34 - Codroip, Fogolin 3, Reghini-Gremese 7 - Dartigne, Cussig 18 - Daël, Malacrea 0.60 - Daçân, Rambaldini 3 - Daviân, Marchio 6 - Cormóns, Cosmar 18 - Cordenóns, Appi 18, Mozzon 18 - Cordovâd, Rizzardo 18, Fanzio 18 - Cervignân, Ceregato 18, Marchioli 18, Di Biaggio 18 - Forgiârie, Garlatti 3 - Flaibân, Castellani 22 - Flumisèl, Gottardo 18 - Fors d'Aotris, G. Vidale 18, T. Vidale 18 - Gradis-cie da l'Isûnc, Larese 18, Zunini 3 - Glemone, Elia 34, Toso 0.60, Copetti 6, Disetti 6 - Guriçe, Weherle 1.20, A. Le Lievre 3 - Latisane, Cigaina 3, Raffin 18, Saniudi 3 - Lucinîns, Vidòz 14 - Maniâ, Pittau 18, Venier 18 - Muç Mattiello 34, Pitacco 12, Treu 3 - Majân, Butazzoni 18, Bortolotti 18 - Montreâl, Fignon 18 - Morsân al Tajamênt, Anese 6.60, Borin 12 - Monfalcòn, Cartolibraria 3, Suplina 18 - Nimis, Manzocco 3 - Osôv, Di Toma 12 - Orsârie, Confin 18 - Palme, Trevisani 18, Pirona 10.30, Bono 18 - Pontebe, Macor 10 - Pordenon, Ellero 0.60, Civrân 18 - Pretèulis, Porrut 18 - Paluçe, Englaro 18 - Puçûi, Missana 1.20 - Rivignân, Gori 18 - Remanzâç, Morandin 3, - Româns dal Lusînc, Valdemarin 18 - Roncis di Mof. Gregorcic 18 - Sagrât, Wilfing 15, Furlani e Mantovani 3 - S. Vît al Tajamênt, Lovadina 3, Boem 5.40 - S. Pieri su-l Nadisôn, Dalmassoni 18 - Spilimbergh, Menini 22, Innocente 0.60, Gaspardo 12 - Tarcînt, Bernardis 1.20, Tofolôn 3, Andreoli 6, Pontelli 22 - Travès, Marascutti 6 - Tulumîç, Carnia 3, Molinari 22, Ciani-Moro 6.60, Trièst, Ferrari 12, Fano 6 - Vile Santine, Zanoni 9 - Valvasôn, Alcozar 9 - Vilevicentine, Pacco 12 - Zuj, Venuti 18.

Al mèrite di sei segnalât un tâl che l'ha respint la circolâr di novembar scrivînd su-la stesse: I numars di sâgio e di reclâm nò si pain. Stin a viodi l'efièt de so reclâm. Cun 26 dispensis al varâ fat almanco altretanc abonâç! Se po' al prîtindess che l'Archivi j regali fr. 22.50 al merte che si pùblihi il so ritrât pareç che al sei tramandât a la posteritât.

Da cheste dispense l'Archivi 'l-è in vèndite nome a Udin e a Guriçe.

Abonamênc a dis dispensis, scomençând da qualûnque numar, Franchs 12.50 par l'interno; 15.— par l'èstero. Cont Corînt Postâl 8-69. Indirîç: **Udin, Place Vitòrio Emanuele 9 A.**

Gerênt responsabil A. Tilin

Stabilimênt Tipo-Litografich **BEPO TABÀCH** — Sandanêl del Friûl